

DISSERTATIO JVRIDICA INAVGVRALIS
DE

D O T E
NON PROMISSA,
NON PRAESTANDA,

Wenn die Mitgift, welche nicht versprochen worden, auch nicht gefordert werden könne.

QVAM
P R A E S I D E
IO. SAMVELE STRYKIO,
JC. SERENISS. VIDVAE SAXO-ISEN. CONSIL. AVLICO, PROFESSOR. JVR. ORDIN. ET FACVL. JVRID.
H. T. DECANO

PRO - LICENTIA

D. V. JVNII AN. MDCCX.

IN AVDITORIO MAIORI

HOR. ANTE ET POMERIDIANIS

PVELICAE ERVDITORVM DISQVISIONI SVBMITTET

THEOPHILVS HARTMANN, CAM. LVS.
ADVOC. ORD. BVDISS.

VITEMBERGAE, LITTERIS HAKIANIS.

1742.



CLARISSIMO DOMINO
CANDIDATO


S. P. D.

P R Æ S E S.



Eddo Tibi his litteris
dissertationem Tu-
am, nobilissime Can-
didate, doctissime a
Te elaboratam, &
laudo conatus Tuos, quod pro ma-
teria ad disputationem inaugura-
lem, non inutile thema, sed,
quod in ipsis rerum obtinet do-
cumentis, & in praxi usitatissi-
mum est, elegeris. Ostendisti
hoc ipso vires ingenii Tui, dum
sententia publice ventilandam pro-
ponis, quæ a communi doctrina
plerorumque recedit, idque argu-
men-

mentis admodum probabilibus.
In quam utut ego tecum descen-
dere non possim, justum tamen
æquumque fuit, pro libertate in
Academiis recepta, permittere, ut
Tuo indulgeas ingenio. Gratu-
lor interim Tibi de egregiis Tuis
profectibus, & eruditione non
vulgari, & precor Deum, ut
omnia Tua studia divina sua
benedictione coronet.
Vale.





AD LECTOREM.



*Uasu, cujusdam Patroni maximi, quondam hospitis & Præceptoris mei ætatem de-
venerandi, jam ante aliquot annos de ANTICIPATIONE, & quidem Inauguralem conscribere mihi constitueram disputationem, & materiæ multitudine ita labori succurrebat, ut brevi maxima disputationis pars felici esset conscripta successu. Amplus enim se aperiebat campus, sive ad forum Ecclesiasticum, sive Seculare, & hic iterum vel ad criminale, vel ad Civile, &, quæ ante, in, & post terminum Primæ Instantiæ, litis contestationis, probationis, sententiæ definitivæ & leutationis: Secundæ Instantiæ, Appellationis, consideranda, respicerem. Cum*

vero tunc temporis ab aliis gradus assumptio in Jure dissuaderetur, ab aliis e contrario suaderetur, tandem eo est devenum, ut priorum amplecteret tententiam, & in elaborando desisterem. Postea, ubi gradus mihi esse videbatur conducibilis, animus erat, nondum penitus elaboratam ad finem tandem perducere disputationem. Sed, quia ita excreverat labor, ut potius Tractatus, quam disputatio appellari potuisset; Insuper nonnullos ante annos sub Excell. Dn. D. Barthii praesidio, eadem de materia, etsi non eadem methodo, disputatio publice habita fuerit Lipsiae, aliud & quidem praesens thema, de dote ante matrimonium non promissa, non praestanda, Fautoris natu, instar, patris venerandi, cui plurima debeo, selegi. Accedit, me hancce materiam satis discussam, hucusque haud reperire potuisse, in praxi autem, non maximo sine Parentum & Tiberorum damno, cum matrimonii felicitas & infelicitas praesertim inde dependeat, non raro de ea controverti. Itaque dictum thema secundum genuinos juris fontes discutere constitui. DEUS T. O. M. quem supplex veneror, & in cujus nomine sec. 1.3. C. de vet. jur. enucl. conficienda omnia, ex alto meis benedicat conatibus.

§. 1. Haud

§. I.



Aud diffitendum, dotes ad ineunda matrimonia allicere plurimos, & reipublicæ interesse, mulieribus, in laxiori sensu sumto vocabulo *l. 13. ff. de V.S.* constitui dotes, cum dotatas esse fœminas ad sobolem procreandam, replendamque liberis civitatem, maxime sit neces-

sarium *l. 1. ff. sol. matrim. CARPZ. p. 2. c. 15. d. 21. n. 8.* Ubi autem deficiunt matrimonia, liberi deficiunt, deficiunt cives; civitas siquidem est civium multitudo. *ANTON HERING de Fidejuss. cap. 7. n. 454.* Quare Legislatores, cum, vix ac ne vix quidem fœminas absque dotibus posse collocari in matrimonium, haberent perspectum, Parentibus necessitatem imposuere, ut filias, in patria Potestate existentes, si bona, ad dotis constitutionem sufficientia non possideant *a. l. 5. §. 7. ff. de agn. & alend. lib. 1. ult. C. de dot. promiss. pro facultatum & dignitatis modo l. 60. 61. pr. ff. de jur. dot. dotent, & ita honestam possint adipisci conditionem l. 2. ff. de jur. dot. l. 19. ff. de rit. nupt. CARPZ. p. 2. c. 39. d. 18. n. 3.* Non pauci enim hac utuntur voce: Affer tecum, si vis vivere mecum *GVÄZ. Lib. 3. de Civil. conversat.* Cessante autem ratione, cessare legis dispositionem, idcirco jam inventa nubendi conditione, nempe contracto matrimonio, Patrem ad dotationem nullatenus esse adstringendum, firmiter inter JCtos statuunt nonnulli. Alij, potissimum propter *l. f. C. de dot. promiss.* dotis constitutionem simpliciter esse paterni officii sentiunt. Priusquam autem utriusque partis rationes expendamus, & rem ulterius prosequamur, tituli definitio tam nominalis,

nalis, quam realis, cum pro norma rei proposita habeatur titulus *BICC. in Præloqu. rerum quotid. apb. 10.* & materiæ illustrationem præstet *l. 1. ff. de O. J.* imprimis erit præmittenda.

§. II.

Dotis igitur vocabulum quod attinet, & quidem ejusdem etymologiam, notum est, derivari solere a græco verbo *δίδωμι* vel *δίδω*, quod do, dono, largior &c. significat. Unde *δόμα, δόσις*, datio, donum *BACH. ad Treutl. Dissp. 7. tb. 1. lit. A. Vol. 2. VARRONI* vero *lib. 4. de Lingua Latina*, derivatio a græco *δῶς* placet, quod vocabulum apud græcos donum, nuptiarum causa ab uxore marito datum, denotat. Perinde autem erit sive illam, sive hanc eligas derivationem, res enim eodem recidit.

§. III.

Synonymiam concernens, alio nomine 1) propria mulieris substantia *l. 12. pr. C. q. pot. in pign.* 2) proprium mulieris patrimonium *l. 3. §. 5. ff. de minor.* germanico idiomate autem *Morgen-Gabe, Heim-Steuer, Mit-gift, Ehe-Steuer, Ehe-Schaz, Ehe-Geld, Heyraths-Guth, Braut-Schaz, der Frauen Einbringen* &c. appellatur.

§. IV.

Quod denique homonymiam spectat, ante omnia dotis vocabulum ab æquivocatione liberandum, cum æquivocatio errorum sit generatrix semper: Homonymum hoc igitur sumiter varie. Latissime pro omni accessione ad sufficientiam alicujus rei necessaria. Unde prædiorum dotes, græcis *ἐνθήκη*, sub quibus boves aratorii, ligones, stabula, sacci, & quæcunque ad instructum pertinent prædium, intelliguntur *a. l. 2. §. 1. l. 2.*

§. 1.

§. 1. 3. ff. de instr. vel instrum. legat. l. 52. §. 2. ff. de fidejuss. & mandat. Sic *CICERO* Lib. 1. de Orat. cap. 55. indotatam artem verborum dote locupletare & ornare dixit. Late pro bono, quod nobis est præcipuum. Hinc dotes 1) tum animi, e. g. a) prudentia, quo illud *HORA. TII* Lib. 3. Carm. Od. 24. vers. 19.

Dotata regit virum uxor.

& *OVIDII* Lib. 2. de Arte vers. 112.

Ingenii dotes corporis adde bonts.

ß) Pudicitia. Lacænarum virgo quædam interrogata, quam dotem esset allatura? Pudicitiam, virtutem mihi a majoribus traditam, respondit. *PLUTARCHUS* in apoph. γ) mores. Ita *PLAUTUS* in Aulular. Act. 2. sc. 2. v. 62. Dummodo morata recte veniat, satis est dotata 2) tum fortunæ. Hac in significatione cecinit *MARO* Æncid. Lib. 7. vers. 423. & 24.

*Rex tibi conjugium & quasitas sanguine dotes
Abnegat,*

It. *HORATIUS* Lib. 3. Od. XXIV. v. 21. & 22.

Dos est magna parentium Virtus.

3) tum corporis, ut decora statura, quo Rahelis spectare videtur affatum: dotavit me Deus dote bona. *Gen.* 30. v. 23. it. Pulchritudo, sic *APULEJ.* in Apol. Virgo formosa, etsi oppido pauper, tamen abunde dotata est. Strictè si accipiatur, respectum ad matrimonium habet & 1) titulum seu causam transferendi l. 47. §. ult. ff. de pec. l. 1. 67. ff. de jur. dot. l. 1. ff. sol. matrim. §. 41. §. d. R. D. 2) Ipsum jus l. 7. ff. l. 20. C. de jur. dot. l. 13. §. 2. ff. de fundo dot. 3) rem dotalem l. 3. & seqq. ff. sol. matrim. l. 2. 10. C. de jur. dot. denotat, quæ significatio hujus est loci.

§. V.
 Considerata definitione nominali, nunc ad realem erit progrediendum, ut intelligatur exinde, de quo disputetur. Est enim definitio *βδαις* totius disputationis, adeoque summe necessaria. Res inter Jctos nondum est expedita, quomodo, dos definiri debeat. Aliter eam definit *AZO in sua summa C. de jure dot.* quod dos sit id, quod a muliere vel ejus Patre marito propter matrimonii onera datur, ut perpetua penes eum sit. Aliter *BARTOL. in rubr. l. 31. ff. sol. matrim.* Esse quoddam jus, in se continens id, quod a muliere, vel ejus patre marito traditur, vel pro tradito habetur, propter sustinenda matrimonii onera. Aliter iterum alii, & communiter a Dd. ita: Quod sit res, vel universitas quædam, ab uxore ejusve nomine in maritum translata pro oneribus matrimonii sustinendis *l. 7. pr. ff. de jur. dot. l. 20. C. eod.* Quæ autem definitio, ipsorum pace dixerim, neque ex allegatis, neque aliis legibus probatur, cum ex iisdem saltem evinci possit, dotis fructum ad maritum pertinere, non autem, dotem non esse, nisi re translata. Inciderunt in definitionem dictam sine dubio ex illo præsupposito, dotem promissam proprie non esse dotem, contra expressos textus *l. 11. C. sol. matr. l. 43. §. 1. ff. de admin. & peric. tut. l. 1. §. 1. ff. de collat. dotis l. 6. C. de dot. prom. l. 9. C. de pact. convent. COSTAN. de dote cap. 2. n. 12.* - Et si dos non adsit in existentia, bene tamen in essentia, secundum quam accuratæ definitionis concipiendæ omnes. Quare etiam dos promissa in essentia vera & proprie sic dicta dos, quemadmodum mutuum promissum in essentia verum inanet mutuum. Alias dos adhuc constituenda, vel promissa plane esset nihil, nec definiri posset, con-

consequenter contra patrem, vel alium, ad constituendam, vel promissam dotem præstandam, agi non posset. Sin autem aliquid est, erit definitum, & suam habebit definitionem, omne enim definitum sua gaudet definitione.

§. VI.

Nobis placet dotem ita definire. *Dos est res, quæ ex parte mulieris ad onera matrimonii facilius sustinenda marito cum jure dominii conceditur.* Generis loco ponitur *Res*, quod vocabulum generale est. *l. 1. ff. de reb. cred.* Res igitur omnes, hominum commercio non exemptæ, sive sint mobiles, ut: pecunia. *l. 26. 48. 67. ff. de jur. dot. l. 41. ff. sol. matr.* sive immobiles *l. 30. C. de jur. dot. ut: fundus. l. 27. 48. ff. eod. lapicidinæ l. 32. eod. sive corporales, ut: animalia, vestes l. 10. pr. ff. de jur. dot. sive incorporeales, ut: ususfructus l. 7. §. 2. l. 66. ff. eod. l. 6. ff. de usufr. hereditas l. 13. §. 10. ff. de hered. petit. nomina l. 2. C. de O. & A. tot. tit. 7. de reb. corp. & incorp. intelliguntur. Cetera definitionis verba ad differentiam pertinent. Ponitur: *Ex parte mulieris*, quia non vir, sed vel mulier ipsa, vel ejus intuitu alius dotem constituit *tot. tit. ff. & C. de jur. & dot. promiss.* & hoc casu perinde est, ac si mulier ipsa dotem attulisset *l. un. §. 13. C. d. R. U. A. l. 9. in f. C. de pact. convent.* Deinde: *ad onera matrimonii sustinenda*; dos enim non est, nisi matrimonii inserviat oneribus *l. 76. ff. l. 20. C. de jur. dot.* Additur: *facilius*, ne sensum habeat ac si plenarie ad sustinenda matrimonii onera sufficere debeat, ita ut vir nil contribuat; notum enim est maritum talia onera, dote etiam constituta nulla, sustinere teneri *l. 7. pr. ff. de jur. dot.* Denique extat: *marito cum jure Dominii conceditur*, non quidem dominium naturale, sed tantum civile, quod*

maritus constante matrimonio actu exercet, intelligitur. *pr. J. quib. al. lic. l. non. l. 13. §. 2. ff. de fund. dor. l. 7. §. 3. 25. ff. l. 23. C. de jur. dor. l. 7. pr. l. 10. §. 3. ff. l. 20. C. eod. l. un. §. 9. C. de R. U. A. ECKOLT ad Tit. ff. de A. R. D. §. 3.* quo vocabulo: *Conceditur*, autem non ipse traditionis actus, multo minus traditio jam facta exprimitur; cum sermo noster, ut thesi proxime antecedenti dictum, non sit de dotis existentia, sed essentia.

§. VII.

Dividitur in profectitiam, quæ sit vel a patre *l. 5. §. 1. & 11. ff. de jur. dor. vel ejus nomine ab alio l. 5. §. 2. ff. eod. & adventitiam, quæ aliunde sit. l. 5. §. 6. ff. de Jur. dor.* Porro in constitutam & promissam, necessariam & voluntariam, veram & putativam. *l. 17. ff. de reb. aut. jud. poss. quæ tamen proprie dos non est. l. f. C. de donat. propter nupt. l. 3. ff. de jur. dor. habet tamen æqualia dotis privilegia l. 22. §. f. ff. sol. matrim. in æstimatam & inæstimatam, congruam & incongruam. Denique in numeratam & causam tot. tit. C. de dote cauta & non numerat.*

§. VIII.

Constituitur 1) *ex Juris necessitate a) a Patre, Avo, filiam vel neptem in potestate habente. l. 19. ff. de rit. nupt. l. f. C. de dor. prom. l. 6. C. de collat. l. 7. §. f. 8. ff. de in rem verso CARPZ. p. 3. c. 11. def. 35. n. 2.* Nulla distinctione habita, an sit formosa nec ne, cum hac in re Leges nil disponant, quamvis Babylonii deformes tantum dotarent, teste HERODOTO in Cl. β) *a matre certo respectu ex magna nempe & probabili, puta; si filia a patre ad inopiam redacto, vel in egestate mortuo, dotem consequi & sine ea nubere nequeat & periculum impudicitiae adsit. PEREZ. ad C. de dor. prom. n. 14. CARPZ.*

de

de Jur. fam. sing. Dec. 5. pos. 1. n. 14. & seqq. vel lege specialiter expressa causâ *l. 14. C. de jur. dot.* sic filiam orthodoxam dotare mater tenetur hæretica *l. 19. C. de hæret.* Item ab avo materno *a l. 14. C. de jur. dot.* nam sicuti patris appellatione venit avus paternus, ita & matris appellatione avus maternus *BALD. in l. 34. n. 2. ff. de negot. gest. 2) libera voluntate a quocunque alio* qui libere de suis valet disponere.

§. IX.

Subintelligitur autem pater, mater dives, nam hi facultatibus exuti vel debitis involuti multis, ita ut ipsorum facultates ad filiam dotandam non sufficiant, ipsa filiam dotare prohibentur impossibilitate. Sin autem in creditorum fraudem quid sit factum, dotis constitutio pro nulla declaratur *l. 10. §. 14. in. f. l. 25. ff. quæ in fraud. cred. CARPZ. de Jur. fam. Dec. 5. pos. 1. n. 37.* dos enim non debetur antequam paternis sit satisfactum creditoribus *l. 8. §. 9. ff. de inoff. test.* cum prius bona & facultates non intelligantur *l. 72. ff. de jur. dot. l. 39. §. 1. ff. de V. S.* secundum enim patris facultatum modum alia inter requisita dos constituitur *l. 60. 69. §. 4. ff. de jur. dot. l. 43. ff. de Leg. 3.* Nollem vero cum *CARPZ. P. 2. c. 46. d. 17.* statuere, posse introduci consuetudinem, ut filiæ ante æris exsolutionem ex Feudis locentur atque dotentur, dori enim non ita favendum, ut aliis faciamus injuriam. *C. 11. X. de for. compet.*

§. X.

Fit expresse non tacite, cum sit facti *l. 7. §. ult. ff. de curat. furios. juncta l. 1. C. de dot. causa.* quare probanda *l. 2. ff. de probat.* etsi vir dote esset dignus, non tamen mulier, sua bona in dotem dedisse, censetur, siquidem etiam sine dote esse potest matrimonium *l. f.*

C. de repud. aurb. C. de nupt. §. si quis enim: Hinc nec munera nuptialia, nec nuptiales sumtus dotis nomine venire possunt. *a. l. 50. ff. famil. bereisc. CARPZ. P. 1. c. 28. d. 87. & 88.* potissimum cum potius ad honorem & existimationem patris pertineant, ac proinde præsumatur donatio *BART. in l. 3. n. 17. si is qui duos ff. de muner. & honor. MATTH. COLER. P. 1. Dec. 62. n. 29.* Nisi tales a patre in dotem sint imputati *CARPZ. P. 3. c. 11; d. 22.* ubi præj. *Daß ihr bemelte Hochzeit und Verlöbniß Kosten nebst dem Hochzeit Geschenke dotis loco empfangen und angenommen.* Licet semel constituta in primo matrimonio, postea, si aliud nil obster, in secundis nuptiis renovata censeatur *l. 30. 40. ff. de jur. dot. & nonnunquam conjecturata probatio pro dote admittatur CARPZ. P. 2. c. 16. d. 11. n. 9. & seqq. SCHILTER. Prax. Jur. Rom. Disp. 36. §. 83.*

§. XI.

Denegatur filiæ 1) naturali arg. *l. 41. §. pater n. ff. de leg. 3. l. 8. C. de natur. liber. multo magis* 2) spuria. *STRUV. Ex. 30. tb. 3. circ. med. 3)* non indigæ arg. *l. ult. C. de dot. prom. l. 5. §. 7. ff. de agn. & aled. lib. BACHOV. ad Vol. 2. Treutl. D. 7. tb. 2. lit. C. WIESEN. ad Tit. ff. de jur. dot. tb. 8. CARPZ. p. 2. c. 42. d. 13.* 4) Indignæ aut exhæredatæ *PEREZ. ad Tit. de dot. prom. n. 6.* 5) hæreticæ *l. 19. C. de hæret. qui autem dicantur hæretici vide sis CARPZ. p. 3. c. 14. d. 10.* 6) emancipatæ *l. 19. ff. de rit. nupt. l. ult. C. de dot. prom. l. 5. §. 12. l. 51. ff. de jur. dot.* 7) sine facta mentione dotis in matrimonium collocatæ *a. l. 2. ff. de jur. dot. & 61. cod. vid. CARPZ. p. 2. c. 39. d. 18. n. 3.* de qua nostra disputatio.

§. XII.

Priusquam alia aggrediamur non incongrue quaeritur:

ritur: An frater ad sororem dotandam cogi possit? Affirmant hoc de germano & consanguineo quidam, inter quos *COMPEG. de dote qu. 23. BACHOV. ad Tit. de jur. dot. tb. 3. LIPSK. Cent. 2. O. 27. u. 14. SCHNOBEL ad ff. Disp. XIV. tb. 19.* nominandi veniunt, & quidem *arg. l. 13. §. 3. ff. de adm. & peric. tut.* Contraria tamen sententia erit verior, quia nequidem mater, tanquam proximior regulariter ad dotandum obligata *l. 14. C. de jur. dot.* Ex dicta *l. 13.* etiam nil nisi hoc colligendum, ex pupilli voluntate præsumta tutorem sorori consanguineæ & germanæ dote succurrere, nequam autem ad id cogi posse, extant enim ibi hæc verba: *Erst honeste, ex liberalitate tamen fit, servanda pupilli arbitrio* notum siquidem est, tum ex hac, tum aliis legibus, tutori tam expensas valde probabiles quam necessarias esse restituendas *rot. tit. ff. de contr. tut. & utili act.* Excellent. *Dn. BERGER. in Resol. LL. obft. ad Comp. Lauterb. Tit. 3. lib. 23. qu. 4.* Cætera rubricæ verba, cum sint notissima, nulla habent opus explicatione.

§. XIII.

His præmissis extra omne dubium est positum, dotis dationem hæud juris esse naturalis, sed tantum juris Romani *ZIEGLER de dot. Eccl. c. 4. §. 10. n.* adeoque non de matrimonii substantia, cum matrimonia etiam sine dotibus subsistere possint *l. 11. pr. C. de repud.* quælia indies celebrari videmus. Apud Lacedæmonios dotis præstatio plane erat prohibita, ut non tam divitiis, quam virtutibus nuptiæ conciliarentur *PLUT. in Lac.* Secundum leges Teutonicas contra non uxor marito, sed maritus uxori dotem offerebat. vid. *CORNEL TACIT. de Mor. Germ. c. 18. cum MICYLLI versione germanica. ibi:*

Es pflegt aber auch nicht das Weib dem Manne, sondern der Mann dem Weibe die Ehe: Steuer, oder Morgen-Gab zuzubringen, bey welchen als denn die Eltern und Verwandten pflegen zu seyn, und dieselbe Ehe: Steuer und Geschenke zu loben &c. Sic apud THEOCR. *Eidyll.* 27. puella dicebat daphni: καὶ τίμοι, ἴδρον ἀγνε, γάμους ἀζιον, ἢ ἱαννίσω. i. e. sed quam mihi dotem affers. nuptiis dignam, si annuero. Angli quoque contra reipublicæ Romanæ morem uxores dotabant munificentissime, quod & Græci antiqui & Hebræi non intermittebant plur. vid. in *Lex. univ. HOFF. MANNI* sub voce dotis.

§. XIV.

Cum itaque dotis constitutio non absolutæ sit necessitatis, & matrimonia potius affectu & consensu contrahi debeant l. f. pr. C. de donat. ant. nupt. l. f. C. de repud. quæstio, in qua negotii cardo posita, venit ventilanda: UTRUM MATRIMONIO, ABSQUE FACTA DOTIS MENTIONE, CONTRACTO, PATER NIHILOMINUS AD DOTANDUM COGI POSSIT? Dd. communiter affirmativæ; Nonnulli vero negativæ inhærent sententiæ. Ex illis nominasse sufficiat CARPZ. *part. 1. Dec. 16. n. 2. & seqq. GAIL. Lib. 2. Observ. 87. n. 6. it. Obs. 95. n. 10. & seqq. PEREZ. ad C. de dot. promiss. n. 10. STRUV. in Synr. Jur. Civ. Ex. 30. th. 7. vers. notabis etiam hic. Ex his Magnif. Dn. BODINUM in Disp. de Renunc. dotis facta Hala Magd. 1709. habita SCHNEIDEW. ad Inst. Lib. 4. Tit. 6. de Act. pro dote n. 81. BART. ad l. 52. ff. de Obligat. & Act. conf. BECHM. in Disp. de mulier. privileg. §. 26. in med. STRAUCH ad Univ. Jus Justin. priv. Dissert. 3. apb. 3. BACH. ad Treutl. V. 2. Disp. 7. th. 2. lit. B. GROSS. in Colleg. Inst. Disp. 2. quæst. 5. Utro.*

Utrorumque rationes in medium proferamus, & cujus sint præponderaturæ, examinabimus.

§. XV.

Affirmativam defendentes sententiam allegant 1) *l. 19. ff. de ritu nupt.* ubi patri hæc duo essent observanda: ut α) filiam suam matrimonio honeste collocet & β) pro facultatum & dignitatis modo dotet; Quamvis igitur primum adimpletum sit, attamen alterum quoque adimpleri deberet, quia, ubi duo requirerentur conjunctim, non sufficeret alterum fieri *l. 5. ff. de cond. instit.* Nam quotiescunque duæ rationes alicujus dispositionis adessent, si saltem unica subsistat, ratio altera cessans non faceret cessare dispositionem *l. 11. §. 1. ff. de his qui not. infam.* 2) *l. ult. C. de dot. promiss.* Paterni esse officii dotationem: quæ lex generaliter esset concepta; generaliter autem prolata, generaliter etiam esse intelligenda *l. 8. ff. de publ. in rem act.* 3) genero pro matrimonii oneribus dote succurrendum esse, fieret enim in illorum compensationem *l. 76. ff. de jur. dot.* 4) ne mulier nupta, si dotem haud offerat competentem, viro sit contemptui *N. 22. c. 18.* Quare ut talis evitetur contemptus, sitque inter conjuges non corporum solummodo, sed & arctissima animorum conjunctio, dos a patre constitui deberet, sive eam promiserit; sive non. *GAIL. lib. 2. Obs. 95. n. 13.* 5) quod dos alimentis æquiparetur, eorumque eadem sit ratio, quæ dotis. *MATTH. de AFFLICT. Dec. III. n. 10.* imo ejusdem causam favorabiliorem esse, eo quod pater non cogatur alere filiam divitem, bene autem dotare *BALD. ad l. ult. C. de dot. promiss.* Nunc certum esse, alimenta jure naturæ deberi, ac sic dotem plane non denegari posse *GAIL. Lib. 2. Obs. 95. num. 14. & seq.*

C

6) dotis

6) dotis petitionem semper manere salvam, quia vicem legitimæ contineret *KNIPSCH. de Fideicommiss. Fam. c. II. n. 266. 267.* in cujus præjudicium nil committere liceat *vid. CUCCH. ad autb. Noviss. C. de inoff. Testam. p. 7.* 7) Interesse reipublicæ, ne mulieres indotatæ maneat *l. 1. ff. sol. matr.* Ad suæ & consentientium opinionis confirmationem *CARPZ. ad Const. Elect. p. 2. c. 42. d. 12.* allegare videtur sententiam in causa *D. Philipp. Janovii.* zu Eisleben Mens. April. An. 1632. pronunciatam: *Habt ihr eipes Kauffmanns, der mehr nicht, als 3. Kinder, und in die 20000. Thlr. vermag, Tochter geheyrathet, und ob wohl ihr seither die onera matrimonii getragen, und Vermöge derer Rechte ein jeder Vater seine Tochter zu dotiren schuldig ist, hat er sich doch durch vielfältiges Ansinnen hierzu nicht verziehen wollen; So wird er auf vorhergehende eure gebührende imploration von dem richterlichen Amte eurem, auch seinem Stande und Vermögen nach, euerm Ehe-Weibe eine Mitgift zu verordnen, und euch abfolgen zu lassen, billig an gehalten.*

§. XVI.

Rationibus non destituuntur statuentes, PATREM, NON FACTA DOTIS MENTIONE VEL PROMISSIONE, POSTEA, NEMPE CONTRACTIS NUPTIIS, AD DOTATIONEM NULLATENUS ESSE COMPELLENDUM. Non esse ignotum, Imperatores propterea quidem necessitatem constituendi dotem imposuisse parentibus, ut filia, adhuc in patria potestate existentes *l. 19. ff. de rit. nupt.* conditionem nubendi inveniant *l. 2. ff. de jur. dot.* (quæ ratio principalis cæteras comprehendit omnes) cum alias propter

propter matrimonii onera; matrimonia inire recusarent masculi, & inde respublica maximum caperet detrimentum *d. h. i.* constituerentur enim dotes maritis in sustentandorum onerum matrimonii compensationem *l. 76. ff. de jur. dot. l. 20. C. eod.* Nunc autem notissimi esse juris, quotiescunque alicujus legis ratio, propter quam lex esset introducta, cesset, cessare debere ejus effectum & legis dispositionem *l. 77. §. 20. ff. de Leg. 2. l. 52. §. 1. C. de Episc. & Clar. CARPZ. P. 2. Dec. 166. n. 16.* causam enim magis, quam verba attendi oportere. *BALD. Lib. 2. Conf. 107. c. 2. vers. quia magis debemus inspicere &c.* cum sit legis anima ratio, verba vero corporis instar, *DECIUS Conf. 70. n. 1.* Ea sine igitur pro mortua haberetur lex, & effectum producere valeret nullum, viveret enim in rationis spiritu. *CRAVETTA Conf. 460. n. 7. vers. Ideo vivit lex in rationis spiritu.* Rationem autem adductam, matrimonio contracto, cessare, neminem unquam esse iturum inficias; quandoquidem nupta marito filia nubendi conditionem non amplius quaereret, acquisito enim fine, cessaret actio; Ita nec detrimentum caperet respubl. teneretur enim 1) maritus uxorem affectu prosequi maritali *Eph. 5. v. 25. & 28. 2)* & debitum exhibere conjugale *1. Cor. 7. v. 3.* nec 3) recusare posset matrimonii onera *l. 7. pr. ff. de jur. dot.* Non enim sequeretur, maritum nulla constituta dote uxorem nec alere, nec alia matrimonii onera ferre debere *STRUV. Ex. 30. lb. 5. 7.* quemadmodum Consist. Supremum, quod Dresdæ est, in causa *Michael. G. d. 26. Febr. 1620.* Daß Beklagter 2c. sein Ehe-Weib mit Unterhalt zu versorgen schuldig. *vid. CARPZ. Constit. Lib. 2. d. 205. it. Conf. Lips. in causa A. H. contra J. M. H. Mens. Jun. 1709.* Kl. ist auch sein Ehe-Weib mit nothdürfftiger Kost

Kost und Kleidung beyderseits Stände und Vermögen nach, zu versorgen verbunden, respondit. Imputet enim sibi maritus quod indotatam duxerit, & jam ante sciverit, aut scire debuisset, matrimonia non dotibus, sed affectu & consensu constare l. f. C. de repud. GAIL. Lib. 2. Obs. 95. n. 16. Dos siquidem non ad matrimonii essentiam pertineret, quia etiam sine dote esse posset matrimonium l. f. pr. C. de repud. quamvis dos sine nuptiis esse nequeat l. 3. 39 ff. de jur. dor. l. 1. §. p. 1. & ult. ff. pro dote l. ult. C. de donat. ante nups.

§. XVII.

Habes itaque B. L. brevissimis, quæ circa hanc materiam utramque in partem afferri soleant. Mihi licebit a priorum sententia, salva tamen undiquaque illorum existimatione, recedere, & posteriorum negantium opinionem defendere, mihi habens persuasissimum, hanc sentiendi libertatem Jureperitis debere, ne alioquin servilem in statum nostra detrudatur Jurisprudencia, & unice in aliorum hæreamus auctoritate.

§. XVIII.

Præter allatas rationes & leges in th. I. & XV. pro negativa sententia facientes, quas & meas facio, & illic, brevitatibus studio, ne crambe bis coquatur, Lectorem remitto, patrocinator nobis alias inter leges l. 69. §. 4. ff. de jur. dor. ubi, decidendi & dubitandi ratione adducta, deceditur, dotem a socero, non tamen determinata re vel quantitate, promissam, petere posse generum. Quare firmiter concludendum, si dos plane promissa fuerit nulla, socerum non teneri ad dotandam filiam: nam de dote promissa præstanda quæstio non mota, nec decisio, tanquam super casum dubium, lata fuisset, sed Papi-

Papinianus ad antecedentes generales & principales leges, quales dissentientes adesse putant, tantum provocasset, si alioquin contracto matrimonio, ad dotis præstationem pater necessitate quadam potuisset adstringi.

§. XIX.

Supra fuit dictum, patriæ potestatis intuitu principaliter obligationem ad filiam dotandam patri incumbere *l. 19. ff. de ritu nupt. l. 44. ff. de jur. dot. l. f. verb. neque. enim C. de dot. prom.* quapropter ea per emancipationem soluta, dos, quæ a patre proficiscitur, liberalitatis actus esse incipit, consequenter, non esse necessariam, sequitur *a l. 5. §. 12. l. 44. l. 51. ff. de jur. dot.*

§. XX.

Emancipatio autem est actus, quo liberi consentientes a P. P. dimittuntur §. 6. *J. quib. mod. P. P. solvitur. l. 5. C. de emancip. N. 89. c. 11. pr.* Estque vel antiqua, quæ imaginaria venditione & intercedente manu-missione fiebat *dict. §. 6. vel nova*, quæ iterum dividitur 1) *in Anastasianam* & perficiebatur Principis Rescripto *l. pn. C. de emanc.* 2) *in Justinianeam*, qua liberi coram competente Judice, non quidem ratione personæ, sed tantum ratione jurisdictionis competente, quocunque loco *l. 36. ff. de adopt. & emanc. a P. P. solenniter dimittuntur §. 8. J. quib. mod. P. P. solv. l. f. C. de emanc.* Desuper tale conficitur instrumentum: Wir Bürgermeister und Rath der Stadt N. thun hiermit kund und zu wissen, daß heute also Titius vor Uns erschienen, und vorgebracht, wie Er aus bewegender Ursachen, seinen Sohn (Tochter) N. N. von der Väterlichen Gewalt loszugeben in Willens sey; Bitte daher diese emancipation zu confirmiren; Wenn

denn der Sohn (Tochter) gegenwärtig solches mit Dank angenommen, und sonst nichts bedenkliches darbey vorgefallen; Als haben Wir Obrigkeit's wegen, diese emancipation confirmiret, und unserm Gericht's-Buch einverleibet; So geschehen. Qui quidem Justinianeus emancipandi modus est rarus, non tamen plane, ut praxis edocet, sublatus; quod enim non sublatus, cur stare prohibeatur? 3.) in consuetudinariam, quæ absque ulla solennitate, imprimis Jur. Sax. El. contingit. Aliter autem a) quoad liberos sive sint masculini, sive fœminini Sexus; ubi tria requiruntur 1) ut sint majorennæ, 2) separatim a patre habitent, 3) propriam œconomiam instituunt Land:R. lib. 1. Art. 11. verb. wenn sie sich. JOH. PHIL. ad J. Lib. 1. Eccl. 77. n. 3. CARPZ. P. 2. c. 10. d. 1. Sic ARIST. Filius veluti membrum patris est, usque dum viri locum nanciscatur, & ab ipso separetur. Aliter ß) quoad filias solas, quæ statim post matrimonium contractum a P. P. liberantur. PHILIPP. d. 1. n. 5. MATTH. BERLICH. p. 2. concl. 11. secus quam jure civili l. 1. §. ult. & l. 2. ff. de liber. exhib.

§. XXI.

Liberata itaque est a Patria Potestate filia nupta & sic pro emancipata habetur 1) Jure Sax. Transsit enim, statim celebratis nuptiis, in potestatem & curam mariti in art. 31. verb. Wenn ein Mann ein Weib nimmt, Land:R. Lib. 1. It. art. 55. verb. der Mann ist auch seines Weibes, Land:R. Lib. 3. Quod ZOBEL in addit. ad dict. art. 31. Land:R. Lib. 1. lit. F. HENNING GOEDEN Conf. 66. n. 17. & alii non concedunt, cum textus allegati saltem de tutela & cura accipi debeant, qua non obstante uxorem in patris potestate manere.

manere. Sit ita, textus allegatos de tutela & cura tantum loqui; Attamen ZOBELII sententia, ex juris ratione subsistere nequit, cum P. P. aliquem in alterius cujusdam vivere cura non permittat, per expr. §. 3. *de Tutel.* quare cum uxor omnium confessione in marito sit cura, a P. P. filiam liberari optime statuunt ANDR. RAUCHBAR. P. 2. *quæst.* 18. n. 24. BERLICH. P. 2. *Dec.* 222. Cui Jur. Sax. respondebat olim 2) *Longobardorum Jus.* Non minus passim locorum 3) *in Italia* ejusmodi statuta extare autor est GVID. PANCY-ROLL. Lib. 1. *Thef. var. Lect. cap.* 92. Quod & 4) *Jure divino* Gen. 3. v. 16. 1. Cor. 11. v. 3. Eph. 5. v. 22. 23. 5) *Jur. Canon.* c. quæcunque 2. dist. 30. c. manifest. 11. c. 33. q. 5. convenit. Et denique 6) *maribus bodiernis*, ita ut talis emancipatio per totam Franciam, ut restatur CHAROND. ad *Consuet. Paris.* art. 223. MANSV. LOVET. & Germaniam, imo per totam Europam sit in usu JOH. HARPR. ad *Tit. J. quib. mod. P. P. solvituræ.* 7. FOMANN. in *Synag. Jur. Disp.* 3. tb. 3. lit. H. & quidem ita, ut, soluto matrimonio, nequiquam filia in Patriam recidat potestatem: jus enim P. P. senel extinctum non reviviscit l. 66. §. 1. ff. *de Leg.* 2. l. 98. §. 8. ff. *sol. matr.* Ex quo sponte fuit quæstionis illius: An pater filiam etiam ad secunda vota dotare teneatur? Decis. Neg. quamvis Jur. Civ. quia nupta in P. P. manet l. 1. §. ult. l. 2. ff. *de lib. exb.* affirmativa defendi possit propter l. 19. ff. *de Jur. dot. vid. Colleg. Arg. Tom.* 2. *Tit. de Jur. dot. tb.* 5.

§. XXII.

Me autem non latet Dd. nonnullos velle statuere, Patrem esse obligatum etiam ad filiam emancipatam dotandam allegant ea propter verba, ut perhibent, gene

generalia *l. f. C. de dot. prom.* ibi enim extaret, Paternum esse officium. Sed resp. 1) hæc verba non esse dispositiva, sed relativa. Sic namque Imperator in d. l. loquitur. *Neque leges incognita sunt, quibus cautum est paternum esse officium.* Relativa autem secundum qualitates omnes, quæ in relato, sunt intelligenda *l. 15. §. testat. ff. de alim. legat.* ac certe perinde est, an per relationem quid proponatur, an per narrationem, ut refert ex *BALD. PHILIPPO DECIUS Conf. 647. n. 3.* in relativis igitur id continetur, quod est in relato. Relatum est in *l. 19. ff. de ritu nupt. l. 5. §. 12. l. 44. ff. de jur. dot.* ubi patri, qui filias habet in potestate, dotationis onus demum imponitur. Præferuntur igitur textus in quibus principaliter hæc quæstio tractatur, præ illis, in quibus minus principaliter de ea agitur. 2) Non agi de quæstione: An Pater filiam dotare sit obstrictus? sed an in dubio de suis, an de filiæ bonis constituisse videatur dorem? 3) Probe notandum hac in lege non agi de necessitate, sed de liberalitate? reperiuntur enim ibi sequentia: *Liberalitas itaque patris &c.* in necessitatibus autem liberalitatem exercet nemo *l. 18. ff. de adim. & transleg.* & sane, si pater etiam dotare teneretur emancipatam, inanis omnino foret quæstio *l. 45. ff. de jur. dot.* An nimirum emancipatione, dotis resolvatur promissio? vid. *PEREZ. Tit. C. d. dot. prom. n. 6. STRUV. Disp. 24. tb. 2.*

§. XXIII.

Non minus sumunt argumentum ab alimentis ad dotem per *l. 5. §. 1. & 12. ff. de agn. & al. lib.* Quod argumentum autem non affirmative, bene tamen negative procedit. Ita dicere possum, qui non alimenta debet, non etiam dotem debet constituere, aut non vice versa, qui

qui alimenta debet, ad dotandum tenetur, in confesso enim est patrem filiae naturali dotem non debere *arg. l. 41. §. 11. ff. de Leg. 3.* nisi ex jure expressae obligationis, & in *l. 8. C. de natur. lib.* patri datur licentia, non vero imponitur necessitas, ut ut patri talem filiam alere incumbat. *auth. licet. C. de l.* Ideo videmus nullam esse consequentiam ab alimentis ad dotem affirmative argumentari. *BECHM. in Disp. de Jur. Vid. p. m. 40. Add. ARNOLD. VINN. Lib. 2. c. 14. Select. quæst.* Multo minus nostro casu locum hæc invenire potest obiectio; cum a marito, ut supra dictum, alimenta uxori sint exhibenda, ac ita foveri ab alimentorum præstatione plane sit liber, quamvis soluto matrimonio, si non habeat, unde vivat, huic succurrendum sit *a. l. 5. §. 7. in f. de agn. & al. lib.*

§. XXIV.

Si igitur filiabus, Justiniano modo emancipatis, dos non debeat *a. l. 19. ff. de rit. nupt. l. 5. §. 12. l. 44. l. 51. ff. de jur. dot. l. 2. §. 1. ff. sol. matrim.* non ambigendum, quin ipsis, matrimonio contracto, propter solutam P. P. dos jure denegetur. Eadem ratio, idem statuit *jus l. 32. ff. ad L. Aquil. l. 104. ff. de V. O. l. 7. C. de revoc. donat.*

§. XXV.

Affirmantium argumentis §. XV. adductis tandem erit satisfaciendum. Quod igitur 1) *l. 19. ff. de ritu nuptiarum* concernit, advertendum, in ejus pr. non copulative sed disjunctive posita esse verba: *prohibuerint vel nubere, vel qui dotem dare non volent.* in disjunctivis autem unicum sufficit præstitisse *l. 5. ff. de condit. instit.* nec obstat quod in *sine l. matrimonium collocare & dotare:*

D

tare:

tare: copulentur, cum præsupponatur: si pater filiam nubere prohibuerit: vel ejus matrimonium distulerit. *vid. BRUNN. ad b. l. qui casus autem ad nuptam applicari nequeunt.* Accedit, Imperatoris mentem esse, patrem filiam non facile sine dote in matrimonium posse collocare, adeoque, si sine hac nubere nequeat, ad dotandum teneri, prout totus suadet contextus. Res clarior evadet, si in dotationis rationem inquiramus, quam *l. 2. ff. de jur. dot.* suppeditat: **UT NUBERE POSSIT**, quæ etiam ab ipsis dissentientibus, tanquam principalis ratio, admittitur. *vid. CARPZ. P. 2. c. 42. d. 12. n. 2.* & absque omni dubitatione ad futuras, non contractas pertinet nuptias, *vid. BRUNN. ad d. l. 2. ff. de jur. dot.* præter hanc autem nulla alia neque in *d. l. 2.* neque *d. l. 19.* reperitur; Quæ cum cesset, & dotationem cessare debere, necessario sequitur.

§. XXVI.

Urgetur 2) *l. ult. C. de dot. promiss.* ubi dorem dare paterni esset officii, nec legem distinguere, an filia sit nupta, nec ne. Cum autem hæc lex in hoc passu se tantum relative ad alias leges principales habeat, ideo etiam nulla probationis vi gaudet, *vid. §. 22.* sed decisio ex *l. 2. ff. de jur. dot.* & *l. 19. ff. de rit. nupt.* desumenda, quæ paternum officium ad nondum maritatam filiam restringunt. *vid. §. 16. & 25.*

§. XXVII.

Levioris ponderis est 3) argumentum a matrimonii oneribus, quibus dos inserviret, desumptum, si consideretur, id jam in dotis definitione comprehendendi, idcirco pro separato argumento non esse allegandum. Nam si de dote loquor, loquor etiam de ferendis matrimonio-

rimonii oneribus, vel si pro separato habeas, res semper eo recidit: *ut nubere possit.*

§. XXVIII.

In totum vero est rejiciendum 4) fundamentum, cum hoc non tantum nullibi in legibus fundatum: sine lege autem loqui erubescendum; sed & bonis adversetur moribus: non enim sunt faciēda mala, ut inde eveniant bona c. 13. X. de pœnit. c. 56. d. 15. ad Rom. 3. v. 8. BALDUIN. Lib. 3. Cas. Consc. cap. 5. cas. 11. Pro stabilienda sententiā a CARPZ. P. 1. Dec. 16. allegata quidem fuit N. 22. c. 18. ast hoc caput ipsi contrariatur magis, quam opitulatur, ibi: *indotata matrimonia, irrationabilibus factis divisionibus, castigationi tradantur competenti &c.* quare dictum caput, propositum & legibus minus convenientem, sed potius absurdum sensum, plane respuit, qui & alias ab omni dispositione rejiciendus l. 7. ff. de bon. lib. l. 1. §. 4. ff. de publ. & veltig. Absurdum autem dicitur græcis ἀτοπον καὶ ἄλογον, in quo neque ratio, neque æquitas militat, sed ex quo omne malum aptum est venire NIC. EVERH. in Loc. de absurdo 23. n. 8. Mariti enim officium non in eo consistit, ut pecuniam amet, uxorem vero spernat. Propter unumquodque aliquid est tale, id magis est tale; sed ut maritam candido prosequatur amore ad Ep. 5. v. 25. & omni præferat lucro concordiam conjugalem l. 5. C. de inst. & subst. curetque, ut sit velle ac nolle amobus, nam

Parvis dives concordia rebus.

quod & nonnulli observant, qui potius sincero amore, quam avaritia adducti, matrimonia contrahunt, quæ multo feliciores dotatis sæpissime esse solent. Qua-

lis autem amor & concordia sit in contemptu, non intelligo?

§. XXIX.

Frustra 5) dubium movetur de æquiparatione dotis & alimentorum, siquidem horum & illius diversissima est ratio: alimenta enim liberis naturæ jure debentur *HUG. GROT. de J. B. & P.* secus quam dos, quæ, ut §. 13. dedimus demonstratum, non absolutæ est necessitatis; nec *BALD. ex l. f. C. de dot. promiss.* dotis causam, eo quod pater filiam divitem non aliat bene tamen doret, esse favorabiliorem demonstravit, cum potius ex d. l. f. contrarium probari possit.

§. XXX.

Debiliori fundamento 6) legitimæ vicem dotem sustinere statuitur, cum invicem multum differant. Dotis debitum est conditionale, *l. 71. §. 3. ff. de condit. & demonstrat.* Legitima vero sine omni conditione debetur. Illa porro ante patris obitum petitur, non autem hæc, quæ demum post patris mortem; viventis enim non est hereditas, ex hereditate debetur. *l. 8. §. 6. & 8. ff. de inoff. testam.*

§. XXXI.

Non minus facili negotio 7) argum: Reipublicæ interesse, ne mulieres maneant indotatæ; satisfiet, si dicatur: hujus rationem *in l. 2. ff. de jur. dot.* expressam, hic cessare vid. §. 16. Denique allegatum *CARPZOVII* præjudicium concernens, notandum, immediate ibidem præcedentem definitionem de eo casu non loqui, sed patrem filiam dotare teneri, eum ad effectum, ut nubere possit, atque adeo ad hæc præjudicium allegatum erit

erit restringendum, vel de promissa a patre dote subintelligendum.

§. XXXII.

Satis sine dubio ex dictis apparebit, firmo adhuc stare fundamento: **CONTRACTO MATRIMONIO A PATRE DOTE, NISI EAM PROMISERIT, PETI NON POSSE**, qua ratione modo fiat, cum nondum celebratis nuptiis de constituenda vel promittenda dote filia vel gener sollicitus esse debuisset; Ita ut ad minimum, si ulterius quid impetrare haud valuerit, de sibi facta nuda dotis promissione sit certus, sola enim promissione dos constituitur *l. 43. §. 1. verb. sed is de quo ff. de adm. & per. tut. l. 20. 43. 44. 59. ff. de jur. dot. l. un. C. de R. U. A.*

§. XXXIII.

Hac occasione non inutiliter movetur quæstio: *An promissa dos, non tamen demonstrata re vel quantitate alicujus sit efficacia?* De Patre affirmatur &, prout §. 18. monuimus, res expedita *per l. 69. §. 4. ff. de jur. dot.* Sed quid de desponsata & extraneo dicendum? De illa sententia negativa est verior, quia ejus interest, quoties ipsa dotem promissit, ut dotis promissionem ad quantitatem redigere possit minimam, ut reliqua bona ei sint paraphernalia *l. 1. 1. C. de dot. promiss. ubi GODOF. lit. G.* Et si Jur. Sax. scæmina sibi minime consulat cum marito hoc jure etiam in paraphernalibus competat usus fructus *Pand. N. Lib. 1. a. 31. & 45. CARPZ. p. 4. c. 21. d. 7. n. 7. & in creditorum concursu ad ea bona dotis privilegium extendi nequeat. RICHTER. de Credit. conc. c. 3. Sect. 1. n. 105. & seqq. MPNS §. O. 4.* Secus est in extraneo promissore, in quo affirmativa decisio ap-

prehendenda, ob dotis enim favorem singularem *l. 9. C. l. 9. §. 1. ff. de jur. dot. l. 1. ff. sol. matrim. l. 25. C. ad SCrum Vellej. REINHART BACH. ad Treut. V. 2. Disp. 7. tb. 4. lit. D. omnis promittens, cujuscunque sit sexus, obligatur l. 14. ff. de jur. dot. l. f. C. ad SCrum Vellej. si quidem boni viri arbitrium stipulationi, quæ semper intervenisse intelligitur l. un C. de R. U. A. l. 6. C. de dot. prom. STRUP. Ex. 30. tb. 7. (unde actio ex stipulatu pro exigenda dote competit) insertum esse creditur l. 3. C. de dot. prom.*

§. XXXIV.

Negantium igitur sententia ex fontibus Jur. Romani est defensa, quamvis nonnulli non sine ratione statuunt, jus Romanum in dotis materia in Germania non esse receptum. Non enim ignotum esse, quod Germanorum moribus, non uxor marito, sed maritus uxori dotem obtulerit, qui per introduct. LL. Romanarum, tanquam subsidiariarum, non essent sublati, vid. SCHILTER in Praxi Jur. Rom. Ex. 36. tb. 7. §. nec ullibi istam consuetudinem abrogatam, aut unquam dotem judicialiter a patre fuisse exactam, legatur.

§. XXXV.

Ne autem lis inutilis & plane temeraria contra respectum paternum socero intendatur, statuendum firmiter, eos, qui judicis officium hac in re implorant, statim a judicii limine repellendos, & Areopagitas, prudentissimos Athenientium quondam Judices, in eo esse imitandos, ut actorem vel implorantem Judex post annos centum redire jubeat. Sic promoveretur justitia, & altercationibus rixosis frenum imponeretur.

§. XXXVI.